

中国边疆研究资料文库·边疆民族资料初编

西北及西南民族

中国边疆研究资料文库·边疆民族资料初编

西北及西南民族

新平社

PDG


清·曹振鏞等撰

欽定平定回疆剿擒逆裔方略

卷四四——五二

清道光刻本

欽定平定回疆剿擒逆裔方略



欽定平定回疆剿擒逆裔方略卷之四十四

道光七年夏五月庚子

烏什卡倫內布魯特情形

恒敬多貴齊慎奏言

臣

恒敬馳抵烏什接印後

隨親赴各卡倫查看卡倫內居住布魯特三百

九十餘戶該頭目庫曲圭圖爾底鄂羅斯等帶

領所屬布魯特前來迎見

臣

劉切曉諭利害據

稱庫圖魯克砍傷木薩特帶領附近三十餘戶
逃竄各愛曼亦有私搬出境一時尙難查出戶
數惟現在卡內之戶半無恆產向在各回莊備
工嗣因滋事各回目疑懼止工全行逐出以致
度日維艱臣當卽逐一查明發給腰牌仍令回
目各領回原莊照舊傭工俾資餬口其有牲畜
之戶分別責令該管頭目造具花名隨時稽察

烏什西南百餘里克爾烏曲地方南通柯爾坪
至喀什噶爾葉爾羌等處道路叢雜臣齊慎在
彼暫行駐劄鎮靜防守奏入報

聞

壬寅

勅查吐魯番退回哈密車輛

哈密辦事大臣恩銘等奏言臣等修整鐵瓦車

及木輪車選用官馬購買牛隻分別駕運雇用
回夫驅策順帶軍裝餉鞘送至吐魯番交收已
陸續收過車八十五輛嗣接前任按察使方載
豫鎮迪道湯鼐文稱此項車輛應由哈密雇覓
長夫發給盤費直解大營臣等查哈密並無居
民所雇回夫向不出境每次運送車輛接起客
報揚威將軍長齡並行知吐魯番領隊大臣廣

音岱並未接准咨覆應如何運送今方載豫湯
鼐來咨令雇覓長夫直解大營臣等礙難遵辦
又據署外委馬驥稟稱四月二十五日將車送
至吐魯番無人接收隨於二十七日又將車運
至托克遜據賡音岱方載豫均稱奉過長齡飭
知令此項車馬吐魯番不必接收轉飭原兵直
送大營緣所雇回夫不肯過境又無盤費不能

在吐魯番及托克遜一帶久住俱卽起程旋回
現將車五十一輛寄放該處馬匹暫於有水草
處牧放等語_臣等當卽差派弁兵帶領回夫發
給口糧盤費令其前往將車馬一併運回哈密
伏查此項車輛原係收存殘廢與採買新車不
同馬匹係用官馬調馴駕馭運至該處若果間
有車輛損壞馬匹疲斃該處何難修整更換送

往前途接濟糧運或備文咨明蘭肅兩局將來
據實覈銷或由該領隊大臣一面接接收轉解一
面將實收數目專摺奏

聞均無不可且該處業已陸續收過車八十五輛何
於此次獨令直送大營辦理亦屬兩歧臣等查
現復運往馬車四十輛牛車五十輛計日將到
吐魯番該處或仍前接收轉運或亦令直送大

營均未可定更有未經起運牛車一百餘輛恐致徒勞往返暫令緩送奏入

上命軍機大臣傳諭鄂山盧坤恩銘嵩惠賡音岱曰前因駝隻歇夏屢諭鄂山等豫爲籌畫茲哈密所辦鐵瓦木輪車四百餘輛自以轉運兵糧爲急何以解送至吐魯番無人接收復送至托克遜輒又稱係奉長齡飭知不必接收轉飭直送大營則更

不成話矣如果吐魯番不應接收何以前此陸續收過哈密車八十餘輛現在大營除運糧外又何需如許車輛長齡何以有此飭知有何案據此項車輛原可作爲長運之用現已節交夏令前運駝隻歇廠托克遜以西如何設法轉運著鄂山盧坤一面妥速籌辦一面查明此項車輛應如何運用何以吐魯番不肯接收及長齡等是否有此飭知

據實覆奏其不肯接收一節令賡音岱明白迴奏
並將長齡札飭一併進呈總之大營兵額最關緊
要務須將轉運腳力權宜調度無得各存意見稍
分畛域尋據鄂山盧坤奏言臣等查哈密所修鐵
瓦車一百五十輛先經臣等往返咨商改撥托
克遜運糧旋因該處車輛敷用復議留備兵差
供應業經咨明烏魯木齊都統哈密大臣轉飭

吐魯番同知哈密通判遵照此次吐魯番已收
過哈密車八十五輛_臣等查無報案是否從前
零星運往現在咨詢恩銘等查覆至原奏所稱
廣音岱方載豫稱奉長齡飭知此項車輛吐魯
番不必接收轉飭原兵直送大營之語_臣等屢
接方載豫來稟從未提及是否廣音岱等實有
此言抑其中尙有訛誤仰荷

聖明垂詢應由賡音岱遵

旨明白覆奏至托克遜喀喇沙爾庫車三城於駝隻
歇乏後所得接乏之腳力循環滾運每月每城
可運糧六七千石其駝隻壯健者刻下亦尙在
馱運並接准長清誠端來信葉爾羌阿奇木復
雇備牲畜自伊勒都迤西每臺派撥二百隻阿
克蘇現又雇覓回子牛馬二千有餘駝隻歇廠

後分給各臺足敷轉運奏入

上命軍機大臣傳諭曰托克遜以西所籌接乏腳力
既敷滾運兵糧其哈密修整車輛原可留供凱撤
官兵之用惟吐魯番前此所收哈密送到車八十
五輛何以未經咨報總局其吐魯番現有車八十
餘輛是否卽係哈密所解之車抑係另行修補其
所稱奉過長齡飭知不令接收一節方載豫亦未